

Alderdi guztiek, UPNk ezik, eman zuten Alliren kontrako botoa

HBk bat egin zuen PSOE, EA eta IUekin hautagaiaren hirugarren bozketan

Hirugarren aldiz, bere alderdiaren hogeitau botoak besterik ez zituen jaso atzo Juan Cruz Alli UPNko lehendakariak. Nahiz eta atzoko bozketan aski zuen gehiengo soila, Allik kontra izan zituen PSOE, HB, EA eta IU. HBk aurrenekoz hartu zuen parte bozketan, Zutoia Mitxel Parlamentuan zegoelako.

ANA UNANUE / IRUÑEA

Espero zen emaitzarekin egin zen Juan Cruz Alli lehendakariaren hirugarren, eta azkenaurren, bozketan. UPNkoak bere alderdiko hogeitau botoak —lau euskaraz— jaso zituen alde, baina gainerako guztiak, hogeitamar alegia, izan zituen kontra.

Atzoko bozketan, aurreko beste bietan ez bezala, aski zuen hautagai eskuindarrak gehiengo soilarekin, hau da, kontra baino aldeko boto gehiago edukitzea. PSOE, EA eta IUren botoak ezezik, Herri Batasunarenak ere kontra izan zituen ordea Allik.

HBk ez zuen aurreko bi bozketetan parte hartu, Zutoia Mitxel parlamentariak ez zuelako Carabancheko presondegia utzerik izan. Atzokoan berriz garaiz iritsi zen Mitxel eta sei parlamentari abertzaleek, iragarri bezala, Alliren kontrako botoa eman zuten.

Atzoko emaitza berbera errepikatuko denez, inolako itxaropenik gabe egingo dio aurre Allik bihar egingo den laugarren bozketari. Eskuindarren azken saioa izango da eta horren ostean, Javier Otano Nafar Parlamentuko buruak bost eguneko epea izango du beste lehendakariak bat izendatzeko. Aurretik alderdi parlamentari guztiekin hitzegingo



Zutoia Michel parlamentaria laugarren saioan egon ahal izan zen Iruñeko Legebiltzarrean.

JOXE

du, baina dagoeneko jakina da PSOEko Gabriel Urralburu izango dela lehendakari izateko saiatuko den bigarren hautagaia.

PSOE-EA NEGOZIAKETAK AUERRERA

Gabriel Urralburu aukeraren bat izateko, ezinbestekoa gertatzen zaio PSOEri EAekin akordio batera heltzea. Hori dela eta, bi alderdiak negoziaketetan dabiltza, abuztuak 5 Urralburu aurkeztuko duen gobernu egitasmoa zehazteko asmoz.


Lopez Mazuelasek atzo PSOEren izenean hitzegin zuen eta, akordioa lortuko zela zalantzan ipini gabe, negoziaketak «oso neketsuak» direla esan zuen. Horren zioa, sozialistaren hitzetan, «lortu nahi dugun egitasmoa da, zehatza eta erakargarria izan

dadin nahi dugulako, ez Allik aurkeztu zuena bezalakoa».

EAren aldeko botoak eta IUren abstentzioa lortuta ere, Urralburu ez du Nafarroako lehendakari izateko eskuratu, HBk haren kontrako botoa ematen badu. Lopez Mazuelasen iritziz, HBren erantzukizuna izango da gertatzen dena. Bere esanetan, «HBkoek ikusi beharko dute gure aurrerabiderako egitasmoa ala Allirena nahiago duten eta horren arabera eman botoa». HBk esana du, ordea, sozialistak negoziatzeko prest ez badaude, ez dutela laguntzarik izango, ez botoetan, ezta abstentzio modura. Olikek esan duenez, PSOE eta EAK negoziatu dezaketen egitasmoak «ez du inolako sinesgarritasunik, sozialistek 1977az geroztik egin dutena ezagutzen dugunontzat».

MITXEL: Zutoia Mitxelek, joan zen astean Parlamentuan egin ziren hiru ekitaldietan egotetik izan ez zuen HBko parlamentariak, Carabancheko presondegia utzeko eduki dituen oztopak baloratu zituen atzo. «Estrategia bat gehiago da nire partehartzea eragozteko. HB kriminalizatu nahi dute eta ni HBko parlamentaria naizenez, bahituta naukate, euren eskuetan nago».

Parlamentariak behin gehiago salatu zuen euskal presoen egoera eta Madriletik Iruñerako bidaia zein baldintzatan egin zituen. «Deus ez nekien, goizeko lauretan esnatu nauten arte —adierazi zuen Mitxelek—, eta bidaia geltitzeko, ezer edan gabe eta txisa ere egiteko aukerarik gabe egin dut».



Benegas eta Anasagasti bildu berri dira.



EFE

mantentzen da, gure ustez egokiena dena», adierazi du EAJko diputatuak.

EAJk Kongresuko araudiaren erreforma proposatu du udako oporrak amaitzen direnean. Bi alderdi nagusiek «malgutasun handiagoa» eskatu zuten. EAJk eztabaidarako erabiliko duen oinarriko doku-

mentua, 1989ko hauteskunde orokorren ostean bazterturik geratu zen Kongresuko araudiaren erreformarako aurreproiektua.

EEren krisiak Gasteizko Gobernuaren baitan izan dezakeen eraginari buruz, garrantzitsuena hiru alderdiek aurrera joateko borondatea izatea dela esan zuen.

Autobideaz mintza daitezen eskatu die Lurraldeak alderdi nafarrei

IRUÑEA

Nafarroako talde parlamentari guztiei eskaera bat egin die Lurraldeak koordinakundeak. Plazaratutako idatzian eskatu dute «proposamen argiak egin ditzatela, Leitzarango autobidea bezalako erabaki okerrak inposaketak eragindako gatazka ekologiko, sozial eta politikoen gainean».

Koordinakundearen ustez, Nafar Gobernuak lehendakariaren hautaketaren prozesua une aproposa da lurraldearen antolamenduz eta erabakiak hartzeko formulaz —«eskuhartzea, elkarriketa, adostasuna ala inposaketa»— eztabaidatzeko.

Lehen inbestidura saioko eztabaiek, Lurraldearen ustez, «emaitza eskasak eskaini ditu gu bezalako gizar mugimendu batentzat, bost urtez ingurugiroa eta elkarriketaren defentsan aritu dena». Koordinakundearen iritziz, alderdiek agindu dituzten «kontsentsua eta elkarriketak» ez dute sinesgarritasunik merezi. Lurraldearen esanetan, «elkarriketa eta kontsentsua apain-garri bezala erabiltzen dituztenak ezin ditugu sinetsi, gero praktikan inposaketa bortitza erabiltzan badute».

Itxuraz demokratikoa den hizkera «praktikan frogatu behar da —koordinakundeak dienez—, eta parlamentariak argi azaldu behar dute autobidearen inposaketaren alde dauden ala Lurraldearen alternatibekin parekatzeko prest dauden».

Gernikak 'Askasatunaren monumentuaren' kandidatura defendatuko du

BILBO

Gernikako Udala zenbait pertsonaia ezagunekin hitzegiten ari da, 'Askasatunaren Aldeko 1. Monumentu Europarra' kokatzeko bere kandidatura aurkeztuko duen taldea osatu ahal izateko.

Gernikak joan zen ekainean aurkeztu zuen 1.800 milioiko aurrekontua (90 milioi libera inguru) izango duen proiektu honetarako kandidatura, besteak beste Parise, Lisboa, Corfu eta Antenas bezalaxe.

Eduardo Vallejo Gernikako alkateak azaldu zuenez, 1992an bost finalistak aukeratu dira, hurrengo urtean behin betiko egoitza aukeratzeko. Epe horretan, kandidatura aurkeztu duen hiri bakoitzak bere burua aurkezteko denbora dauka, bideo emanaldi, hitzaldi eta abarren bidez.

Monumentu hau 'Europa eta Askasatunaren' Europa osoko kultura, politika zein ekonomia arloetako pertsonaia osatutako erakundearen eskutik egingo da. Monumentua bera 'Nazioarteko Topaketa Gunea', 3.000 m2 zabalera izango duen erakuntza baten barnean egongo da, eta 24 metroko altueradun 12 zutabek osatuko dute, Europako beste hainbeste herritatik ekarriak.

Hauteskunde kanpainako gastuak murrizteko ados EAJ eta PSOE

MADRIL

Euzko Alderdi Jeltzalea eta PSOE alderdiek harreman zuzenak izan dituzte azken aste hauetan, Madrileko Kongresuan datorren bilkura epealdiari begira akordioak lortzeko posibilitateak aztertzeke. Harreman horietan, PSOEren aldetik Jose Maria Benegasek eta EAJren aldetik Iñaki Anasagastik hartu dute parte.

Jose Maria Benegas PSOEko Antolaketa arduradunak hauteskundeetako gastuak murrizteko akordioa lortu zela adierazi zion Iñaki Anasagastiri izandako bileran. EAJko diputatuak Efe albiste agentziari jakin erazi zionez, PSOEko buruzagia ados azaldu zen EAJk gai horri buruz duen iritziarekin: alderdien ekonomien faktore desorekatzailer eta distorsionatzaile nagusia egungo hauteskunde kanpainak dira.

EAJko bozeramalearen ustez, gaur egun planteatuta dauden bezala, «hauteskunde kanpainak milioi asko kostatzen dira eta ez dute zentzurik».

Bai EAJk bai PSOEk harremanak izan dituzte Kongresuko beste alderdi politikoekin, hurrengo bilkura epealdian alda daitezkeen gauzen inguruan akordioa lortzeko asmoarekin.

EAJk defendatu nahi duen proposamenak ez dakar berekin Hauteskunde Legearen aldaketarik. Aldatu beharko litzatekeena alderdi politikoen finantzaketaren araubidea litzateke.

HAUTESKUNDE LEGEA ALDATU GABE

Iñaki Anasagasti udal eta autonomi hauteskundearen araudia aldatzearen kontrako dela esan zuen. «Edo bigarren bueltako sistema jartzen da edo dagoen bezala